

جريدہ عليہ

مسنخت جليلہ اسلاميہ نك جريدہ رسميه سبدر

رمضان ، شوال سنہ ۱۳۴۰

عدد ۷۵،۷۴

شمديلك آيدہ بر نشر اولنور

برنجي سنہ

حقایق اشیاءه شك يا خود آنلری انكار ايتمك هيچ بر عاقلك هيچ بر آدمك يابه ميه جغی
برشیدر . چونكه اشیاءه وجودی بدیهیدر . بوبدهاتی جزم ايتمك طبیعت بشریه ده واردر .
بویله هر شیده شبهه ایله انكار ايتمك كار عاقل دكلدر .

فقط بوکي فیلسوفلر ، هر شئیك منهایسندنه نوع بشره مقدر اولان عجزی، ضرور لرندن
ناشی اعتراف ایتدکلری کی عوامك درجه سندن عالی اولدکلرینی کوسترمك ایتدکلری
عقل و فراستلرینه هر کسك حیرتی جلبه چالشمکلرندن بویله عجیب و غریب اعتقاد ایله
خلقدن کندیلرینی تمیز ایتلک آرزو سنده بولملرندن ناشی اویوله صائمش اولمق احتمالی ده واردر .
یوقسه بر کلب بیله بر آدمی کوروب حاوامقله آنك موجودیتنه قانع اولمش دیمکدر .
اك بایاغی بر حیوان بیله کندیسندن بشقه خارجه جسملر موجود اولدیغنه امین در .

حقیقتندن شبهه لندیکی آتسه الی صوقولدیغی وقت یاندیغی انکاره چالیشه جق یرده فریاد
و فغاندن کندیسنی آله مامسی، آتسك و کندی جسمنك حقیقتنی، موجودیتنی اعتراف دکلدر؟
شوحالده عالم ، بر رؤیا ویا خولیدان عبارتدر دیمك فصل اولور . اویائی بولندیغمز
حاله رؤیا دینورسه اویقوده بولندیغمز حاله نه دیمکی ؟ بو جهندن اشیاءه حقیقه ثابت
و موجود اولدیغنه حکم ايتمك بر امر طبیعی اولمش اولور . بناءً علیه حقایق اشیاءه ثابت و آکا
علم ، متحققدر یرز .

حسین عونی

معرفت نظریه سی

§ ۲

ریبیلک (حسابانلیك)

« ۱ . بر معرفت امکانندن جدی اوله رق و دائماً شبهه ایدن ؛ بزم ایچون عمومی
صورته معتبر ، نفس الامری ، کرچك و قطعی حکملر ویرمك ممکن اولدیغی زعم ایدن
کیمسه بر ریبیدر . نظریه ده ولاجل العمل ریبیلک ، نظری ، منطقی ، ماوراء الطبیعی ،
اخلاقی ، دینی بر ریبیلک واردر .

« نظری ریبیلک ، یا علومك معین دعاوی و فرضیاتنه قارشی اولور ، یا خود علی العموم علمی
« معرفتلك شمول و قطعیتنه قارشی اولور ، یا خود معرفت نظریه سنه منسوب - مابعد الطبیعی ریبیلک

صفته ، صرف اشیانك نفس الامریت مطلقه سنك ویا تظاهرات خارجیهك حقیقت و مناسباتك عمومیت اوزره كرچكلكنك بر معرفت نفس الامریه و قطعیه سنك امكانه قارشى اولور .

اخلاقى ریبيلك متعارف اولان تقویات اخلاقیهك معتبرلكنى مناقشه ایدر یاخودده علی العموم قبول عامیه مظهر اصلا قیام اخلاقیه قبول ایتز .

دینی ریبيلك یا ساده منقولات دینیك اعتقادہ لیاقت تاریخیه سیله بر دین اشتراکنده قبول اولنان قواعد سیسته منی یاخود عمومیت اوزره عالمك ملاحظه دینیك محفلكنی مناقشه ایدر .

تاریخ فلسفهده ریبيلك دیه ظهوره كلن شيك بيوك بر قسمی هیچ بروجله جذرى ،

مطلق ، منطقی بر ریبيلك دكل ، بلكه اساس اعتباریه امر حقیقیك ماهیت ماوراء الطبیعویه و نفس الامریه سنى بالتحرری تثبیت ایتك ایستین بر معرفت مطلقهك امكاندن برشبه لئمه در .

منطقی ریبيلك دها ایلری كیدر . اوكا قسماً بزم ایچون بر حقیقتك بولنه بیلمسى مشكوك ،

قسماً هیچ بر حقیقتك ، هله هیچ بر حقیقت مطلقه محضه ایله هیچ بر قطعی معرفت

مطلقهك بولنامسى محقق کورونور . هر شی قابل شبهه در ، هر حکم قابل اعتراضدر ،

اك يوكسى اوحكم معین بر نقطه نظردن معتبر اوله بیلیر ، خارجی و درونی شرائط متبدله

واسطه سیله تغیر پذیردر ، نفوس مدركهك طبیعت واحواله ، كذلك اشیانك يكدیكریله

و نفوسله اولان مناسبات متحوله سنه تابعدر ، بوكا بناءً اوحكم اصلا نفس الامرك نه اولدیغى

قطعیته خبر ویره مر . ریبيلك بناءً علیه کندیسی ایچون ثابت بر وقعه اولان معرفتك

انفصیت و اضافیتنه استناد ایدر . كرچك حكمك بر معیاری ، امین بر علامت و محكى .

یا کلاماً بر قاعده سى كاملاً مفقوددر . اك يوكسى عملی طرز حرکت ایچون كافی اولان

معین بر ظاهری كرچكلكدن دها فضله سنى انسان ادعا و اكتساب ایده مر . جذرى ریبيلك

حقى منطقی قوانین فکرایله ریاضی قواعد اساسیهك بداهتندن ، محقیقت مطلقه و حقیقتندن

شبهه ایدر ؛ معتدل ریبيلك ایسه يالكز حقیقی - موضوعی قضایانك كرچكلكندن شبهه

ایدر ، بونی مشكوك یاخود غیرقابل وصول اولمق اوزره اعلان ایدر .

معرفته مانع اولان یاخود بونی كوچلشدیرن اساسلر میاننده اكثری ریبيلر لسانی ده .

ذکر ایدرلر . لسانك طبیعت مجازیه سندن طولایى ، ینه اونك استعارى ، مادیلشدیرن ،

مفهومی غیرصافی قیلان یاخود جوهرلشدیرن مزاجندن طولایى لسان ، برواسطه معرفت

عرض ایتكدن پك اوزاق اوله رق ، حتى هر معرفتك بریا كلیتجیسیدر ؛ نه اشیانه ، نه ده

اشیانك تفكر محضه صادق اوله بیلیر .

۲. ارتیابك باشلانغجلى دها (كسه نوفانس) ، (ده موقزیت) ده ، بالخاصه اولان

اضافیت ایله انفصیته طرفدار اولان سوفیسترده بولنور . (غورگیاس) . كوره هیچ

برشی قابل معرفت دکلدر، دیگرلری آره سندن برمانعده لساندر. مابعدالطبیعیونک ابقانیلکنه قارشی برعکس العمل اولق اوزره رییلک اصول دائره سنده اولای الیسی (پرون) ده ظهور ایدر. بوندن باشقه هجویه یازان (تیمون)، (انه زیده موس)، (آغریا)، (سه کستوس امپریقوس)، (آرکزبلا اوس)، (قارنئاس) وسائر رییلکه مختلف مقیاس ودرجه ده طرفداردرلر. «پرو نیرم» حقائق اشیانک ناقابل ادراک لکنی، قطعی بر ادعایک عدم امکانی، قضایای متقابله نیک مساوی قیمتلیلکنی، حکمدن اجتناب ضروریلکنی تعلیم ایدر. اسکی رییون اوکرتیورلرکه نه حواس نده فکر، حقیقی عطا ایدر، هیچ بر حقیقت معیاری یوقدر، هر استدلال تسلسل ایدر، مصادره علی المطلوبی متضمندر، دوری محتویدر. «اساسات اریاب» تعلیمی بر طاقم اساسلر تعداد ایدرکه بونلر معرفته مانع و معرفتک اضافیلکنه منجر اولور.

«(انه زیده موس)» کوره اساسات اریاب اوند: ۱. عمومیت اوزره ذی روح موجوداتک تفاوتی که بوندن اشیانک مختلف برادرکی لازم کلیر؛ ۲. انسانلرک بر بوندن تفاوتی؛ ۳. حواسک تفاوتی؛ ۴. احوال روحیه و بدنیه نیک تفاوتی؛ ۵. اوضاع و مسافات و امکانک تفاوتی؛ ۶. حساً ادراک اولانان شیک باشقه لرله اختلاطی؛ ۷. تظاهراتک طرز ترکیبه کوره تفاوتی؛ ۸. علی العموم اضافیت؛ ۹. احساس عددینه کوره ادراکک تفاوتی و اونک عددینه تابعیتی؛ ۱۰. تربیه نیک، اخلاق و عاداتک، قوانینک، دینی و فلسفی ملاحظاتک تفاوتی.

(آغریا) بواساساتی بشه تنزیل ایدر: ۱. عینی موضوعلر حقنده کی تفاوت افکار؛ ۲. هر مقدمه اثباته محتاج اولدیغندن لازم کان تسلسل؛ ۳. اشیاده کی اضافیت؛ ۴. غیر مثبت، کیفی پرنسیپلر؛ ۵. دور و مصادره علی المطلوب.

بواساسلر مؤخرأ بروجه آتی ایکی اساسده برلشدیرلشلردر: ۱. احساس و تفکری ممکن اولان هرشی حقنده افکارک اختلافندن استنتاج اولنه جفی وجهله هیچ برشی کندیسبله تأمین ایدله من. بوندن طولانی ۲. هیچ برشی ردیکرله ده تأمین ایدله من، اوصورتله که بویکینجی ده کندیلکندن حائر قطعیت اولیوب ینه باشقه بریسبله اکتساب قطعیت ایدله جک اولورسه یا تسلسله یا خود دوره دوشوله جکدر. (سه کستوس امپریقوس) تصریح ایدرکه بتون اساسات، معرفتک اضافیلکنه منجر اولور.

قرون وسطاده رییلکه (الغزل) ذاهبدر. اصوله عائد شبهه یی (doute methodique) ده قارت عادت وضع ایدر، بر شبهه که اونده رییلکده اولدیغی کی قانیموب بلکه ثابت معرفتک اکتسابنه آنجق حاضرلق اولق اوزره یارار. (مونتینی)، (شارون)، (لوواییه)، (بایل)، (غله نویل)، (هونه)، (نه ته سه یملی (آغریا)، (هیرنهام)، (هیوم) [آقاده می ری] (لامونه) وسائر مابعدالطبیعی بر رییلک تعلیم ایدرلر. (ر. شوت) منطقی بر رییلکه ذاهبدر (A Discourse of Truth). بر چوق جهندن

(نېچه) ريپيدر . (ذاتاً هامان كې) اوده بتون لساناً استحصال اولنان معرفتك طبيعت مجازيه سنه اشارت ايدوب حقيقتك انفسيتي تصریح ايدر . (فريتز ماوتنر) ده عيني صورته تعليم ايدر ، اونك « لسان انتقادی » « لفظ فتيشيزم » نه قارشی ميدانه چيقوب مجردات لسانيه نك غير حقيقيه كني تصریح ايدر . الفاظ « قوللانيشه الويريشلي اوليسان آلات » اولوب لساندن قورتارمق اك يوكسك هدفدر . (غ . لاندواهر) غسندنه ريپيلك ذاتاً تصوفه سوق ايدر . لسانك مجازی ، خرافات تشكيك ايدن طبيعتي (غ . رونجه) ده تصریح ايدر ، فقط شوکا بحق نظر دقي جلب ايتمك صورتيه ريپيلكه ده كرفتار اولماز : « لسانك مسأله تصوير ايدن ايش كورمك قوه سي حقيقي صورتده « مسائل حله ياردم ايتمك » استعدادندن دها ايلري واصل اولماز » (مابعدالطبيعه) .

۳ . « اصوله عائد شبهه » معنا سنه ارتيا به قارشی اعتراض ايديله جك اك اوافق بر شي يوقدر . اولدن شبهه ايدلمه مش اولان فرضيات ومفهوماتك بيله كسكين تدقيق نقطه نظري ، بدايت دورده سي اولمق اوزره آنحق ترقيبخش اوله بيلير ؛ انسانه عائد معرفت استعدادينك حدودنده بو نقطه نظر انتقادی احتياطه ونفوذ نظره ، كوكشمش دوشونمندن ويربان حكملره قاعده لرك بر طرف ايدلمه سنه سوق ايدله بيلير . ديكرلري آره سنده (هر بارت) بومعنا ده « يوكسكجه » ارتيا بك قيمتي اعتراف ايتمشدر . تاريخي اوله رقه ده ريپيلك ، فكر واعتقادك افعال ذاتيه سنه قارشی ساده بك قولاي ظهوره كن غايت بيوك ايقاتي بر اعتماد تمايلي عليه نه عكس العمل اولمق اوزره ، حائز اهميتدر . خلاصه ، انتقاده حاضرلق ، معرفه برواسطه اولمق اوزره ، فقط معرفت اراده سنه دشمن اولمق اوزره دكل ، معلوم بدرجه يه قدر ارتيا ب ، بالواسطه متمر واصل اعتباريله بحق اولمق اوزره قبول اولنه بيلير . ۴ . بونك خلافيه معرفت اراده سي اك زياده دفع ايتمكه يلمتمكي ايسته ين جذري ريپيلك قطعي صورتده مردوددر ، وعموميت اوزره هر هانكي بر حكمه قرار ويرديكي زمان ساده بالذات كنديسيه حاضرجه ابسال اولنور .

اك احتياطي ريي شبهه سز شو حكمي ويرندر : هيچ بر حقيقت ، هيچ بر معرفت يوقدر ، بالذات بوده محقق دكلدر . لكن شمدى بوقضيه دن شو حاصل اولوركه ريي طرفندن غير قابل وصول اولمق اوزره توسيم ايديلن حقيقت ذاتاً اونك طرفندن او كجه دن وضع اولنوب تسليم ايدلمشدر . چونكه معرفتك عدم امكاني يا خود عدم محقيقي حقنده كي حكم معتبرلكه صلاحيتدار اوله جقسه ، هر حالده بو حكمي او كرچك عد ايتميدر .

بناءً عليه هیچ اولمازسه بر وقعه ده حقیقت واردر . فقط ری قضیه ریبه-نی ده مشکوک طوته جق اولورسه او حاله او قضیه نك اولاً نقیضدن اصلاً ده یوك بر درجه ده تسلیم ایدلمكه استحقاق یوقدر ، ثانیاً بو حاله ده برشی ادعا اولمش ، معتبر و كرچك اولق اوزره تكلیف وقبول ایدلمشدر . لکن ری قضیه سنك اثباته قدر كیده جك اولورسه او حاله قوانین منطقیه نك صحت مشكوكه-نی حاضرجه اعتراف ایتلیدر ، حتی ده ها زیاده ، اضافیت وانفیسیت وسائر رییللك اثباتنده مراجعت ایده جکی اساسلر بتون اونك طرفدن امور واقعه ، حقایق ثابته اولق اوزره قبول اولمشلردر . جذری ، منطق رییللك كندی كندیسی رفع ایدر ، چونكه شبهه ایتدیكى شیئی ، حقیقتك ، معرفتك وارلغی و مجرد فكرك قوانین صوریه سنك دكل ، بلكه — شرائط معرفته نظراً — انك نهایت بر طاقم جل ماده نك ده صحتی ساكتانه او كجه دن وضع وقبول ایتلیدر . فكرك معتبرك و ایشه یارارلغی ینه عینی فكر واسطه سیله انكار ایتك ایستمك یورومز .

۵ . شبهه یه دوشوب بو شبهه یی اثبات ایدن كیمسه تفكر ایدر و كرچك حكیم و یردیكنی ، یعنی معرفت حاصل ایتدیكنی اعتقاد ایدر . تفكر هر شبهه نك فوقه یوكسلیر . هر شبهه نك موضوعه سیدر ، شرطیدر ، یالکیز درونی تجربه واسطه-سیله مطلق صورتمه تحقیق ایدله جك روحی بر امر حقیقی دكلدر ، منطق محققانی ده حائزدر . بو معناده ده قارت (آوغوستینوس ، قامپانلا وسائرلرینك اثرینه اقفاء) كندیسنك « دوشونیورم » بناءً علیه وارم . *cogito ergo sum* ی ایله ، تفكرك طبیعت مطلقه وجودی تصریحیه جذری بر رییللكی ابدیاً امكاندن خارج براقشدر ؛ تفكر عملیه سنك شبهه كوتورمین بو كرچكلكیكندن موضوع اولق اوزره بر جوهر روحك وجودی لازم كله جكنی ده قارت واقعا اثبات ایتمه مشدر ، وبوكا قارشى (لیختنبرغ) ، (نیچه) وسائرلری حقلیدر . فقط ، بوراده شوده سویله نیویرسین كه ، بونلر موضوع تفكرك قطعیلكنه اعتراض ایتدكلى زمان حقسزدر . اولاً تفكر مفهومنده بر فعل اولق اعتباریه ذاتاً بر فاعلك ، تفكر حادثه سنك هیچ اولمازسه نسبی وحدت مركزی صفتیه بر موضوعك او كجه دن وضی بولنور . ثانیاً متعلقدن موضوع صفتیه تمیز ، ساده هر نه صورته انكشاف ایتدیریلن شعورك انكار ایدلیه جك بر مابه الامتیازنی تشكيل ایدر . موضوع اساسی ، كه شعورك هیچ بر خصوصى مضمونى دكل ، فقط هر معلومیتك محقق صورتمه برمدار تمیزنی عرض ایدر ، بوجهتله طبق متعلق كی ، یعنی بوراده موضوعدن بلا واسطه شعورده تمیز اولنان عامل شعوركی

اصلیدر. (متحسس اولیورم ، بناءً علیہ بن دہ موجودم ، اودہ موجوددر. *sentio, ergo sum et est* : ریل) و مجرد فکردہ دکل ، بلکہ حقیقی صورتدہ تحسس ایله ارادہ دہ دخی یاشانیر و تأثیر ایدر، اوصورتله که انسان (من دو بیران ایله برابر) تماماً حقلی اوله رق « ایستیورم ، بناءً علیہ وارم *volo ergo sum* » دیه بیلیرم . متعالی ، شعورك اوبر طرفه قولنش اولان جوهر روح تفکر و اراده ایله برلکده ویرلمه مشدر اما موضوع شعورك فردی وقایع حیاتک کثرتی داخله کندینی قویان، اراده باقی و فاعل اولان ، رقعہ یاشامنک محتویاتندن دائماً کسکین و واضحجه تمیزایدن ، فقط اصلاً وقایع حیاتسز تثبیت ایدلمین ، نسبی صورتدہ دائم، ثابت اولان وحدتک، « ایلک بئلک » ک وجود یا خود تأثیری ثابت بولنمقده در. ایجه دقت اولنمیدر که بو موضوع ایچون معلوم - اولمق عمومیت اوزره وار اولمقله بردر. بو نقطه یه ایلریده عودت ایدهرز .

۶. نه قدر امین صورتدہ بر شعور موضوعیله بروقعہ حیاتیه یاشامه ، بر تفکر، اراده، تصور و ارسه او قدر امین صورتدہ شعور محتویاتی، وقایع حیاتیه واردر؛ تفکر اولنان، اراده اولنان ، تصور اولنان برشی واردر. الکیوکسکی مشکوک اوله بیلیر که عجباً بو محتویاتده هر شعورك خارج ووراسنده ینه بر وارلق عائد اولیورمی، فقط محتویاتک بالفعل و بالقوه نا محدود بر کثرتک یاشاندینی و بونلرک بویله محتویات صفیله کر چکدن موجود اوله بیله - جککری اساسی بیان اولنه بیله جک هر شهه دن اوزا قدر . وقایع حیاتیه علی الاطلاق مناقشه ایدیه مز ، شعور محتویاتسک بالذات حضوری ، رنگ - ، سس - و سائر احساساتی ، مکانی - زمانی تصور محتویاتی ، یاشانیلان ارتباطلرله انتظاملر و هکذا قسماً مطلق صورتدہ غیر مشکوکدر ، قسماً کر چک اولمق اوزره تثبیت اولنور . اک مختلف نوعدن وقایع حیات حقنده یک چوق خبرلر ، حکملر ممکندر ؛ حد ذاتده موجود اولان اشیانک بر معرفتک امکانی علیهنه ریینک سرد ایتدیکی اساسات ، تجربه حیاتیه محتویاتسک بو صفته حقنده کی حکملره قارشی کاملاً عاطل قالیرلر . شعور ایچون « موجود اولمق » دیمک عینیله - بر یا خود چوق افراد طرفندن - یاشاننش اولمق یا خود یاشانیله بیلیمک و یاشانسی لازم اولمق دیمکدر ؛ محکوم علیک کیفیاتی حقنده کی حکملر بوراده هیچ بر وجهه (فردی یا خود عمومی) شعوری تجاوز ایتمز . هر شعورك خارجنده بولنان ، شعورك ووراسنده طوران بر شیئی حد ذاتده اولدینی کی طایق نفس ایچون فصل ممکن اوله بیلور، اشکالی بوراده تمامیه ساقط اولور . اشیانک وجودینی واقعا فرد ایتدن ، منفرد انسانلرک

انفست خصوصیه و اختیارندن مستقل ، بونکه برابر لکن آنجق حقیقی یاخود (مساعد شرائط تحتنده) ممکن بر شعور داخلنده حاضر بر وجود اولق اوزره ملاحظه ایدن نقطه نظر ایچون ، بوجهله (انفسی و نفس الامری) ایده آلیم (فکریه مسلکی) ایچون ریپلک آنجق الک یوکسک درجهده ضعیفلاشش مقیاسده ملاحظیه آلیر (ن . بریتر ، فلسفهده ریپلک) .

۷ فقط ریپلک انتقادی حقیقونلق ایله فکری حقیقونلغهده (Phénoménalisme) غلبه ایتمز ، برطاقم نقطه نظرلرکه آنجق صوکره تصویر و تنقید ایدیله جکلردر . اوایلکز ایقانی حقیقونلق علینیه ، غیر انتقادی ، خام مفهوم معرفت علینیه ، که اونی واقعا کنیدیسی اوکجهدن وضع ایدوب اونکله قائم وساقط اولور ، شایان استعمال وسائط مجادلهدن بریسیدر . فی الواقع بونقطه نظره قارشیده ریپلک کنیدیسنک صوری و برقسم اعتباریله مادی اساساتلی جذری مجادلهسنی محافظه ایدمهز . لکن ایقانی معرفت مفهومک ضعیفکلرینی طاقم عزیتی حائزدر . یعنی اعتقاد اولنورسه که معرفت ، اشیا و خواص اشیاک تصور و تشکر طرفندن اوصورتله تصویر واستساخندن عبارتدرکه صورت ، اصله ممکن اولدینی قدر تام مناظر اولسون ، یعنی شیک شعور خارجنده کیفیاندن حد ذاتنده حائر اولدیغک هپسینی اوصورت تغییر اولنیه رق شعورده اعاده ایدوب عکس ایتدیرملی ، بوحالده امر مادیسنک بر معرفتک امکانشدن شبهه ایتک قولایدز . بزهیچ بروقت تصور صورتی اصل ایله مقایسه ایدمهز ، بناء علیه اصلا اونک حقیقت احتوا ایتدیکنی یقیناً بیلهمز ؛ بوندن باشقه تصور ایله تصدیقک بالذات نفسده بولان اساسلره توقفی کورویورز ؛ الوان ، الحان و سائر کیفیاتک کذلک کمیاتک یاشانلغه تابع اولمیان وجودینی قبولک تناقضلره سوق ایتدیکنی ادراک ایدیورز . خلاصه ، بویله بر معرفت مفهومی نهایت اشیاک معرفتی مشکوک قیلار . ریپلک بوراده ظفرلرینی تسعید ایدز .

۸ معنایه ظفرینه پک ایرکن اظهار شادمانی ایدز . چونکه ملاحظیه آلامشدرکه کنیدی طرفندن اوکجهدن وضع اولنان معرفت مفهومیده یا کلش یاخودده غیر کافی بر مفهوم اوله بیلیردی . او ، ریپلک ، کنیدیده ایقانی ایدی ، زیرا بویله بر معرفت مفهومک صلاحیتندن شبهه ایتمهشدر . معرفت مفهومنده اصلا ضروری اوله رق متعلق معرفتک بر تصویر بولماز . عالم خارجی اشیا سنه نسبت ایتدیکنز ادراکات ، فیزیولوژی ایله پسیکولوژی و ملاحظه انتقادیه نک نتایجک اوکرتدکاری گبی ، اشیا ایله اونلرک خواصک

هیچ بوجهیله قوییه لری دکدر . ادراك محتویاتی کیفیتلری اعتباریه موضوع ادراكله مشروطدر ، بونلر ادراك ایدن نفسک تشکیلات عضویه ووظائفه تابعدر ، بونکله برابر بالذات اشیا واسطه سیله مستخرج وبومعناجه مادی ده اوله بیایرلر . شمدی آرتق قبول اولنه مازکه کندنده کی کیفیتی آنجق وظائف نفسه تبعاً ، بناءً علیه شعور صورتی اولمق اوزره حائر اولان برشی برکرده عینی کیفیتده شعورك خارجنده واکا تابع اولمیه رق موجود اوله بیلسین . مثلاً لون احساسی حاسه بصرك تشکیل عضویه سیله مشروطدر ، حد ذاتنده موجود اولان برلون کیفیتنک صورتی اوله ماز ، فقط حرکت تصویری ده موضوع تصورله مشروطدر ، اوکاده نفس الامرده معادل اولان شی ینه بویه حرکت نوعندن اوله ماز . خلاصه ، ادراك - یاخود تصور محتویاتی طبایع نفس الامریه نک صورتلری اولمق اوزره قاورانلما لیدر . محقق صورتده لکن بونلره « حد ذاتنده اشیا » نک شعوره منوط اولمیان احوال و مناسبات معینه نک ظهور وتبدلی ایچون اشارات اولمق اوزره باقیله بیلیر ، برطاقم اشارات یاخود علامات (رموز) اولمق اوزره که بو اعتبارله ادراك ایدن بر موضوع بولمیه رق ، برشعور اولمدن واقع اولمدقلری جهته آنجق انفسیدرلر ، لکن عینی زمانده حقیقت نفس الامریه ایله مشروط اولملرنده آفاقیدرلر . فقط ادراك یاخود تصورده ادراك ویا تصور اولملری اعتباریه شه سز معرفت آفاقیه ایچون بر ماده بولتوراما بو معرفتک کندیمی بولماز . معرفت ، بیلدی کمز کی آنجق قضیه ده بولتور . قضیه دخی مناسبات مادیه نک بر صورتی اوله ماز . لکن قضیه طوغری ربط ویا تفریق واسطه سیله ، مشاهده صورتیه ویریلن رموز ایله ذهناً تثبیت ایدیلن محتویاتک طوغری ، نفس الامرده موافق ، تجربی - منطقی طرزده ابی تأسیس اولنش ، سائقه مقرون ترتیبی واسطه سیله حقیقت آفاقیه ومطلقه نک مناسباتی شعور طرزنده کویا که اعاده ، یکیدن انشا ، معادل اوله رق اونلره ایما وطوغری صورتی اعطا ایده بیلیر . کرچه نوعما بر انفسیت واضافیت معینه محق ایسه ده حقیقتک هیچ اولمازسه طولایسیله ، رمزلی بر معرفتی ربیلک طرفندن ابطال ایدلمین ، منطقاً ممکن اولان ولاقل غیر محتمل بولنمیان برشیدر . واقعاً بزم قضایامز حد ذاتنده موجود اولان مناسبات ایله قابل مقایسه دکدر ، وبونلرک شعور داخلنه بر جلبی ده ممکن اولماز . لکن - مثلاً (فولقت) ک تفصیل ایتدی کی - حق صریح ایله قبول ومطالبه ایده بیلیرکه شعورده یاخود شعور طرفندن اصولاً طوغری دوشونولن ، قضیه طرزنده وضع وربط اولنان امرک ورای ذهن وحسده ، انفس اشیاده معینه

بر مناسب‌تداشی اوله‌جقدر و سمومیت اوزره بویه بر نفس‌الامر ، بزم ادراك ایدیجی شعورمزنك بر ماوراسی کرچك اوله‌رق ، یعنی یالکیز فکر اولوق اوزره دكل ، بلکه اونك طرفدن طلب و اقتضا اولنان کرچكلک طرزنده موجود اولسون (اردمان ، منطق) . یوراده هنوز متعلق مسأله‌سی ا کمال ایدلك مقصود اولیوب یالکیز كرك فکریت كرك حقیقت طرفداری اولسون ، معرفت اشیانك آنحق معرفت مفهومی طوغری والویریشلی اوله‌رق تعیین ایدلیکی زمان ممکن اولدیغی کوسترلك ایسته‌نشدی ؛ هر حالده بر امر حقیقی عالمی افکارمزدن تمیز ایدرز ، وبر فکر ، بر حکم ، حقیقه عائد اولان برشی بونلرده طوغری تمیز وسائر امر حقیقی ایله ارتباطی حالنده مفهوماً تعیین ایدلمش صورته اولورسه ، او حالده حکم کرچکدر ، بر معرفت نفس‌الامریه‌در ، هیچ اولمازسه علممزنك بر توسیع و تدقیق ، احتمالات شعورك بر فعله اخراجیدر .

۹. معرفتك ای آکلاشیلان بر انفسیتله اضافیتی ، کوردیکمز ودهاده کوره‌جکمز کبی ، اشیانك آفاق بر حکم تحت‌ه آلمسی ایچون ، هیچ بر مانع دکلدر . بزم معرفتمزنك اصلا مطلق ، اصلا هر نقطه‌ده صافی ، بولاندرلماش ، نفس‌الامر موافق ، کامل ، تام اولمیدیغی ، اعتراف اولنورکه ، کیمسه مناقشه ایتمز . معرفت حاضرجه بزم قوجاغیزه آتلامشدریا ، بلکه بلا آرام ایلری کیدن مساعی روحك اصلا نهایته ایرمین محصولیدر ، بر عملیه درکه قسم عظیمی اعتباریله آنحق تدریجی تقریب حالنده حقیقت کامله و وجود عینی‌یه صادق اولور . ذهن انسانینك متعدد نقصانلر وضعیفلکری واردر ، کندمزنی صافه‌جغمز متنوع اوکجه‌دن حکملر ، اهواء (باقون) اکسك دکلدر . فقط معرفت اراده‌سی کور دکلدر ، بالذات معرفتك محاکمه انتقادی‌سی استعدادینی اکتساب ایدر ، مساعی فکرك نتایجی دائماً تصحیح و تفتیش ایدوب مبادیا تجدید ایدیلن تدقیقک متعلقی حقنده بالذات تجربه‌ده بولور . بو صورتله خطالرك ، بر طرفلیقلرك و اوکجه‌دن حکم ویریشلرك غلبه‌سی واسطه‌سیله معرفت اراده‌سی ، طوغری ، کاهو حقها معرفت ، معرفت محضه فکری طرفدن سوق اولانه‌رق ذهنك اویغونسزلقلریله محسولانته حاکم اولور . — لسانك برچوق جهته تفکری بولاندریدیغی ، مجردی دائماً تکرار صورتلندیر . دیکنی ، احوال ، خواص ، مناسبات صرفه‌بی مادیلشدیردیکنی ، مفهوم صورت محضه‌سی ، مجرداتی موجود عینی حالته کتیردیکنی ، جوهرلشدیردیکنی ، مجازی بر طبیعتی حائر اولدیغی کیم انکار ایتک ایسته‌مشدر ؟ لکن بو وقوف ریبیلکه مجبور ایتمز . اولان نظر

حقته آنملی که مادیلش دیرمک میلی آنجق لساندن نشأت ایتمز، بلکه بالذات روحک طبیعتنده بولنوب لسانده یالکز ظهوره کلیر که اونک واسطه سیله واقعا تقویه اولنور . لسان فی الواقع جوهر لشدیریجی افعوله سنده تفکر اوزرینه عکس تأثیر ایدر اما بو افعوله نک علی دکادر . ثانیاً دنیایر که لسان طرفندن معرفته یاپیلان ضرر لر ممکن اولدینی قدر کسکین ، تفکر اولنان وسو یلتنک معناسنه دائماً تکرار رجوع ایدن ، تحلیلی - انتقادی بر تفکر واسطه سیله قسم عظیمی اعتباریله تسویه ایدیه بیلیر . ذاتاً رینک لسان اعتباریله دستور شکله قونان تفکرینک لسانک ایش کورمک استعدادی حقنده اجرا ایتک موقعنده بولندینی انتقادده معرفته حائل اولمق اوزره الدن بر اقیلان ینه اوعینی لسانی تفکرک ایشه الیریشیلیدکی کندینی محافظه ایدر . ثالثاً لسانک موجود عینی حاله کترین افعوله سی فائده عظمائی حائر در ، تفکری تسهیل ایدوب طوغری بدن طوغری یه اونک تجرید کارانه اولان فعالیتات مفهومیه سی ترویج ایدر ، شوصورتله بو افعوله حقیقتده غیر مستقل اولان برشیئی ارتباطندن چیقاروب تجرید ایدر و اونی منطقاً مستقل اوله رق تقویم ایتک ایچون فکرآ وحدت معینه یه تشبث ایده رک توحید ایدر . لسانک مفهومی مؤبد یوکسک اقتصادی بر خدمتی واردر که اولنور واقعا مشخص بر تفکر ممکن اولور اما مجرد مفهومی بر تفکر ممکن اولماز ، چونکه بویله بر تفکر ثابت رموزه محتاجدر ، تا که اورموز اطرافنده افکار تمرکز ایدوب اولنورده صانکه تکائف ایده بیلسین . ۱) رابعاً تفکر کبی لسانک ده مجازی خصوصی علوم متینه ده ممکن اولدینی قدر بر طرف ایدملیدر ، یعنی طبیعتک معرفت صحیحه سنک متعلقاتی موضوعات ، عوامل ، ذوات اولمق اوزره قاورانیله مازلر ؛ لکن اک صوکنده احتمالکه تام بو مجازی طبیعتده مابعدالطبیعه یه ، اشیانک وجودات مطلقه سنک ، حد ذاتنده کی یاخود داخلی وارلغک ادرا کنه بر مفتاح حصوله کله جکدر .

اشرف افندی زاده

شوکتی



۱) ن . (ووندت) ، خطوط اساسیة علم روح ؛ اقوام پسیقولوجیسی ۱ ؛ (آ . مایر) وحدانیت مسلکینجه معرفت نظریه سی ؛ (ل . غایغر) ، انسان لسانک منشأ و انکشاف ۱ .